

Tuairisciú sonraí faoi shubstaintí a ídíonn ózón

Ceisteanna Coitianta

Leagan: Eanáir 2014

Réamhrá

Laistigh den Aontas Eorpach (AE), rialaítear úsáid agus trádáil substaintí rialaithe a ídíonn an ciseal ózón (SÍOnna) le Rialachán (CE) Uimh. [1005/2009 \(Rialachán maidir le SÍOnna\)](#) ón AE (CE 2009). Tá sé mar choinníoll sa rialachán sin gur gá do gach cuideachta a tháirgeann, a allmhairíonn isteach san AE agus/nó a onnmhairíonn amach ón AE, do gach úsáideoir bunábhair, do gach úsáideoir oibreán próisis, agus do gach saoráid díothúcháin tuairisc bhliantúil a thabhairt ar a ngníomhaíochtaí i dtaca le substaintí rialaithe. Thairis sin, clúdaíonn an Rialachán maidir le SÍOnna cúig shubstaintí bhreise a bhfuil acmhainn ídithe ózón iontu (substaintí nua) i gcás táirgeoirí, allmhaireoirí agus onnmhaireoirí.

Faoi Airteagal 27 den Rialachán ceanglaítear ar chuideachtaí a tháirgeann agus/nó a allmhairíonn agus/nó a onnmhairíonn agus/nó a dhíothaíonn agus/nó a úsáideann mar bhunábhar/oibreán phróisis substaintí a ídíonn ózón tuairisc a chur isteach faoin 31 Márta gach bliain don bhliain féilire roimhe sin. Chinn an Coimisiún Eorpach le cúnamh ó choiste bainistíochta ar a raibh ionadaithe na mBallstát i gcomhréir leis an nós imeachta bainistíochta atá in Airteagal 25(2) den Rialachán maidir le SÍOnna formáid na tuairisce.

Ní foláir do chuideachtaí a dtuairisc a chur faoi bhráid an Choimisiúin Eorpaigh, agus an fhaisnéis chéanna a chur chuig údarás inniúil an Bhallstáit ábhartha freisin. Chun an méid sin a dhéanamh, ní foláir do chuideachtaí córais an Stóir Sonraí Gnó (BDR/Business Data Repository), arna bhainistiú ag an nGníomhaireacht Eorpach Chomhshaoil (EEA), a úsáid. Tugtar an t-eolas faoi cén chaoi an BDR a úsáid i lámhleabhar an BDR, agus in larscríbhinn II de tá treoir iomlán faoin gcaoi an ceistneoir ar shubstaintí a ídíonn ózón a líonadh isteach.

Sa doiciméad seo tá freagraí ar cheisteanna a chuireann páirtithe leasmhara go coitianta faoi na hoibleagáidí maidir le tuairisciú. Tá sé ceaptha treoir a sholáthar do na heintitis sin atá faoi réir ceanglas tuairiscithe gan dochar do na hoibleagáidí atá sna rialacháin.

Níl stádas dlí ag an doiciméad seo.



Admhálacha

Is í an Ghníomhaireacht Eorpach Chomhshaoil (EEA) a d'ullmhaigh na Ceisteanna Coitianta faoi shubstaintí a ídionn ózón bunaithe ar an treoirleabhar faoi thuairisciú a bhí ag Ard-Stiúrthóireacht na hAeráide. Chuir Sainionad Téamaí na hEorpa um Maolú ar Thruailliú Aeir agus Athrú Aeráide (ETC/ACM) go mór le forbairt an doiciméid seo.

Aithníonn an EEA go háirithe an méid a rinne Tom Dauwe ag ETC/ACM, VITO sa Bheilg.

1 Ábhar

TOC

2 Cad atá le tuairisciú (sainmhínte)?

2.1 Cé na gáis ar substaintí a ídíonn ózón (SÍOnna) iad?

Grúpa substaintí is ea SÍOnna a ídíonn leibhéil ózón an strataisféir nuair a scaoiltear san aer iad. Is faoi Phrótacal Montréal den chuid is mó a rialaítear úsáid agus táirgeadh SÍOnna. Déantar tagairt do na substaintí sin mar shubstaintí rialaithe agus tagann siad faoi oibleagáid cuideachtaí maidir le tuairisciú faoi Airteagal 27 de Rialachán 1005/2009 (Rialachán maidir le SÍOnna). Roinntear substaintí rialaithe i 9 ngrúpa: CFCanna, CFCanna eile, halóin, CTC, TCA, MB, HBFCanna, HCFCanna agus BCM. Ina theannta sin, tá oibleagáidí maidir le tuairisciú 5 shubstaintí eile, ar a dtugtar substaintí nua, leagtha amach sa Rialachán maidir le SÍOnna. Féach larscríbhinn I le haghaidh liosta de na substaintí ar fad atá clúdaithe faoin Rialachán maidir le SÍOnna.

2.2 Cad is acmhainn ídithe ózón ann?

Ní bhíonn an éifeacht chéanna ag gach substaint a ídíonn ózón ar ídíú ózón an strataisféir. Chun na difríochtaí idir na substaintí éagsúla a chur san áireamh, sanntar acmhainn ídithe ózón (ODP) dóibh. Is éard atá san ODP ná éifeacht a bheidh ag an tsubstaint i gcomparáid le héifeacht gáis tagartha, CFC-11, ag a bhfuil ODP de 1. Tá ODP de 10 ag halón-1301, mar shampla, agus ciallaíonn sé sin go n-imrítear tionchar atá 10 n-oiread níos mó nuair a scaoiltear halón-1301 san atmaisféar ná mar a imrítear nuair a scaoiltear an méid céanna CFC-11. Tá luach ODP na substaintí ar fad le fáil in larscríbhinn I freisin.

2.3 Cad is cóir a thuairisciú i gcás ullmhóidí (cumasc)?

I gcás cumasc, ní gá ach an cion don tsubstaint ar leith a thuairisciú. Mar shampla: I gcás 10 kg de chumasc ina bhfuil 80 % CTC agus 20 % substaint nach n-ídíonn ózón, déanfar 8 kg CTC a thuairisciú.

2.4 De réir Airteagal 27(2) den Rialachán maidir le SÍOnna, cad is 'táirgeadh' ann?

Ní mór duit táirgeadh a thuairisciú le linn na bliana tagartha sna cásanna seo a leanas:

- má tháirg tú aon substaint rialaithe
- má tháirg tú aon substaint nua
- má tá stoic agat i gcónaí fágtha ó tháirgeadh na bliana roimhe sin.

Clúdaíonn an oibleagáid gach cineál táirgthe, seachtháirgeadh neamhbheartaithe san áireamh.

Tabhair faoi deara nach gá duit tuairisc a thabhairt i gcáil táirgeora sna boscaí thuasluaite, ach ba cheart duit tuairisc fholamh (tuairisc nialas) a chur isteach sna cásanna seo a leanas:

- chuir tú tuairisc isteach roimhe sin, ach nár tháirg tú aon substaintí le linn na bliana tagartha agus nach bhfuil stoic i do sheilbh anois agat, nó
- tá deireadh curtha agat le táirgeadh agus trádáil aon substaintí rialaithe nó substaintí nua agus nach bhfuil stoic i do sheilbh anois agat.

2.5 An gá dom tuairisc a thabhairt ar sheachtháirgeadh?

Ní gá tuairisc a thabhairt ar sheachtháirgeadh i gcás méideanna suaracha a astaítear ina n-iomláine nó a fhanann mar iarmhar sa táirge deiridh (i gcás ina mbeadh astaíochtaí nó iarmhair i gcomhréir leis an reachtaíocht is infheidhme). Tabhair faoi deara nach foláir astaíochtaí fhormhór na substaintí rialaithe a thuairisciú don Chlár Eorpach um Thruaileáin a Scaoileadh agus a Aistriú faoi Rialachán (CE) Uimh. 166/2006.

Mar riail láimhe, den chuid is mó baineann seachtháirgeadh neamhbheartaithe atá faoi réir tuairisciú le substaintí a bhaintear den timthriall próisis agus a stóráiltear go sealadach (e.g. i dtanc maolánach)

sula ndíothaítear, sula n-úsáidtear nó sula gcuirtear ar an margadh iad nó sula seoltar iad lena ndíothú i saoráid lasmuigh den ionad táirgthe.

2.6 De réir Airteagal 27(3) agus (4) den Rialachán maidir le SÍOnna, cad is allmhairiú/onnmhairiú ann?

Clúdaíonn an oibleagáid maidir le tuairisciú seo allmhairiú nó onnmhairiú substaintí rialaithe de gach cineál agus substaintí nua de gach cineál faoi nós imeachta custaim ar bith, allmhairiú sealadach san áireamh, amhail próiseáil isteach nó idirthuras.

Ní mór duit tuairisc a chur isteach sna cásanna seo a leanas:

- má d'allmhairigh nó má d'onnmhairigh tú aon substaintí rialaithe le linn na bliana tagartha
- má d'allmhairigh nó má d'onnmhairigh tú aon substaintí nua le linn na bliana tagartha
- má d'allmhairigh nó má d'onnmhairigh tú substaintí sna blianta roimhe sin agus má tá stoic i do sheilbh fós agat sa bhliain tagartha.

Tabhair faoi deara nach gá duit tuairisc a thabhairt i gcáil allmhaireora/onnmhaireora sna boscaí thuasluaite ach ba cheart duit tuairisc fholamh (tuairisc nialais) a chur isteach sna cásanna seo a leanas:

- ní cheannaíonn tú substaintí rialaithe ná substaintí nua ach ó chuideachta eile atá lonnaithe san AE, agus nach ndíolann tú ach le cuideachtaí eile atá lonnaithe san AE iad, ní dhéanann tú an t-allmhairiú ná an t-onnmhairiú tú féin, ní allmhairíonn ná ní onnmhairíonn tú ach táirgí agus trealamh ina bhfuil substaintí rialaithe nó substaintí nua, nó atá ag brath ar na substaintí sin (e.g. múchtóirí dóiteáin, aerárthaigh).
- d'allmhairigh nó d'onnmhairigh tú substaintí nó meascáin nach bhfuil ach rian de SÍOnna iontu nach bhfuil ag teastáil ach nach féidir a sheachaint ar bhealach teicniúil
- chuir tú tuairisc isteach roimhe seo, ach nach ndearna tú allmhairiú ná onnmhairiú le linn na bliana tagartha agus nach bhfuil stoic i do sheilbh agat a thuilleadh.
- tá deireadh curtha agat le trádáil substaintí rialaithe nó substaintí nua agus nach bhfuil stoic i do sheilbh agat a thuilleadh.

3 Cé a chaithfidh tuairisc a chur isteach?

Dé ghnáth, ní gá do chuideachta aonair ach tuairisc amháin a chur isteach. Roimhe seo, bhí cásanna ann inar ghá duit níos mó ná tuairisc amháin a chur isteach, ach anois déantar sin go huathoibríoch nuair a chuireann tú tic sna boscaí ábhartha atá sa roinn dar teideal 'Faisnéis faoin gCuideachta' atá sa cheistneoir ar líne atá ar fáil sa BDR.

3.1 Thug mé tuairisc faoin Rialachán maidir le SÍOnna anuraidh, ach ní raibh ár gcuideachta bainteach le haon ghníomhaíocht ábhartha le linn na bliana tagartha reatha. An gá tuairisc a thabhairt?

I gcás nach raibh baint agat le haon ghníomhaíocht ábhartha sa bhliain tagartha shonrach ná nár allmhairigh/onnmhairigh tú ach táirgí agus trealamh ina raibh substaint rialaithe nó substaint nua, nó atá ag brath ar na substaintí sin (e.g. múchtóirí dóiteáin, aerárthaigh), is gá duit tuairisc nialais a líonadh isteach sa BDR (féach freisin larscríbhinn I de lámhleabhar an BDR).

3.2 Tá saoráidí éagsúla ag ár gcuideachta. Cé a chaithfidh tuairisc a chur isteach?

Is sonraí ó chuideachta aonair (i.e. eintiteas dlíthiúil amháin) a bheidh sa tuairisc. Ná cuir comhthuairisc isteach ina bhfuil sonraí cuideachtaí eile, mar shampla fochuideachtaí nó comhchuideachtaí. I gcás ina bhfuil ionaid éagsúla ag cuideachta i mBallstát amháin, is féidir leat comhthuairisc a chur isteach a chlúdaíonn ionaid uile na cuideachta sin sa Bhallstát. I gcás ina bhfuil ionaid ag cuideachta i níos mó ná Ballstát amháin, is gá tuairisc ar leith a chur isteach i gcás gach Ballstáit.

3.3 *Chuireamar tuairisc isteach faoin Rialachán maidir le SÍOnna (1005/2009). An gá dúinn tuairisc a chur isteach freisin faoin Rialachán maidir le gáis-F (842/2006)?*

Tá ceanglais éagsúla maidir le tuairisciú ag an Rialachán maidir le SÍOnna agus an Rialachán maidir le gáis-F agus tá feidhm acu i dtaca le substaintí éagsúla. Má chomhlíonann do chuideachta na critéir i dtaca le tuairiscí ar gháis-F (HFCanna, PFCanna, SF6) a chur isteach, ní foláir tuairisc ar leith faoi gháis-F a chur isteach tríd an BDR freisin.

3.4 *Bímid i mbun idirbheart le cuideachtaí eile, an gá dúinn tuairisc a thabhairt?*

Ná tabhair tuairisc ar aon táirgeadh, allmhairiú nó onnmhairiú nach ndearna do chuideachta féin. Mar shampla, má d'aistrigh tú do chuóta chuig cuideachta eile, ní gá duit tuairisc a thabhairt ar an táirgeadh a bhaineann leis sin. Má dhíol tú substaintí le cuideachta eile, nó má thug tú di iad, lena n-onnmhairiú ina dhiaidh sin, is gá don chuideachta a rinne an t-onnmhairiú tuairisc a thabhairt ar na honnmhairithe sin.

3.5 *An allmhaireoir nó onnmhaireoir mo chuideachta?*

Ní mheastar gur allmhaireoirí ná onnmhaireoirí iad cuideachtaí ach amháin má allmhairíonn siad SÍOnna isteach i dtíortha laistigh den Aontas Eorpach nó má onnmhairíonn siad amach uathu iad¹.

Ní mheastar gur allmhaireoirí/onnmhaireoirí cuideachtaí mura ndéanann siad SÍOnna a cheannach ná a dhíol ach le cuideachtaí atá i mBallstáit eile den Aontas Eorpach. Ní mheastar gur allmhairiú/onnmhairiú atá i gcoinsíneachtaí a sheoltar idir Ballstáit an AE.

Meastar gur allmhairiú nó onnmhairiú í trádáil le críocha ar leith nach cuid den AE iad. Má tá amhras ort, ba cheart duit dul i dteagmháil leis an bpointe teagmhála i do Bhallstát nó leis an eintiteas arna ainmniú ag an gCoimisiún Eorpach. Tá liosta de phointí teagmhála na mBallstát le fáil ó Lárionad Acmhainní Cumarsáide agus Faisnéis an Choimisiúin Eorpaigh (CIRCABC)².

3.6 *Saoráid díothúcháin is ea ár gcuideachta; an gá dúinn tuairisc a chur isteach (Airteagal 27(5))?*

Is gá duit tuairisc a chur isteach faoi Airteagal 27(5) má dhíothaigh do chuideachta, le linn na bliana tagartha, dramhaíl ina raibh substaintí rialaithe a tháinig ó eintitis dhlíthiúla eile, nó má dhíothaigh sí substaintí rialaithe ar thoradh a táirgthe féin iad (e.g. seachtháirgí neamhbheartaithe).

Ní gá duit tuairisc a thabhairt faoi Airteagal 27(5) sna cásanna seo a leanas:

- más substaintí nua a dhíothaíonn tú (Halón 1202, n-PB, EB, TFMI agus MC)
- mura ndíothaíonn tú dramhaíl, e.g. mura bhfuil á dhéanamh agat ach dramhaíl a bhailiú nó a stóráil d'fhonn é a chur ar aghaidh níos deanaí chuig saoráid díothúcháin
- má dhíothaíonn tú dramhaíl nach bhfuil substaintí rialaithe inti ach mar rianta d'eisíontais nach bhfuil ag teastáil ach nach féidir a sheachaint ar bhealach teicniúil

3.7 *D'úsáideamar substaintí rialaithe mar bhunábhar nó mar oibreáin phróisis le linn na bliana tagartha (Airteagal 27(6) den Rialachán maidir le SÍOnna). An gá dúinn tuairisc a thabhairt?*

Is gá duit tuairisc a thabhairt faoi Airteagal 27(6) má d'úsáid tú substaintí rialaithe mar bhunábhar nó mar oibreáin phróisis le linn na bliana tagartha. Ní gá duit tuairisc a thabhairt ar úsáid substaintí nua (Halón 1202, n-PB, EB, TFMI agus MC).

¹ Is iad 28 Ballstát an AE: An Bheilg, an Bhulgáir, an Chipir, an Chróit, an Danmhairg, Éire, an Eastóin, an Fhionlainn, an Fhrainc, an Ghearmáin, an Ghréig, an Iodáil, an Ísiltír, an Laitvia, an Liotuáin, Lucsamburg, Málta, an Ostair, an Pholainn, an Phortaingéil, Poblacht na Seice, an Ríocht Aontaithe, an Rómáin, an Spáinn, an tSlóivéin, an tSlóvaic, an tSualainn agus an Ungáir.

² <https://circabc.europa.eu/w/browse/91661b30-3bd7-4b25-b083-dbc64092175c>

Ní gá duit tic a chur sna boscaí dar teideal 'Úsáid bunábhair' agus/nó 'Úsáid Oibreán Próisis' sna cásanna seo a leanas:

- I gcás inar thug tú tuairisc ar úsáidí bunábhair nó oibreán próisis sna blianta roimhe sin ach nár úsáid tú aon substaintí rialaithe i mbliana. Mar sin féin, i gcás ina bhfuil stoic fágtha agat is gá tuairisc a chur isteach ar na stoic sin.
- I gcás ina bhfuil tú tar éis éirí as substaintí rialaithe a úsáid mar bhunábhar nó oibreán phróisis. Sa chás sin, ba cheart duit tuairisc nialais a líonadh isteach sa BDR (féach freisin larscríbhinn I de lámhleabhar an BDR).

4 Cathain agus cén chaoi tuairisc a thabhairt?

4.1 An bhfuil foirm chaighdeánach ann le haghaidh tuairisciú?

Is é an Coimisiún Eorpach agus an Coiste Bainistíochta a leagann síos formaid na dtuairiscí. Má dhéantar an tuairisciú tríd an gceistneoir ar líne atá ar fáil i stór sonraí gnó (BDR) na Gníomhaireachta Eorpaí Comhshaoil (féach ceist 3.2), cinntítear go mbeidh an fhormaid cheart in úsáid.

4.2 Cá seolfaidh mé an tuairisc agus cén chaoi a seolfaidh mé í?

Ní foláir duit gach tuairisc a chur isteach go leictreonach agus úsáid a bhaint as an gceistneoir ar líne atá ar fáil ag an [Stór Sonraí Gnó \(SSG\)](#). Córas leictreonach tuairiscithe ar líne is ea an BDR atá á bhainistiú ag an nGníomhaireacht Eorpach Chomhshaoil (EEA). Forbraíodh é go speisialta le plé le faisnéis rúnda.

Tá roinnt buntáistí ag baint leis an BDR a úsáid chun tuairiscí a chur isteach:

- Córas níos sláine ná ríomhphost is ea an BDR. Tugann sé cosaint níos fearr i gcoinne idircheap agus cailliúint sonraí.
- Ní gá an tuairisc a chur isteach ach uair amháin mar tá rochtain ag na páirtithe leasmhara ar fad (an Ard-Stiúrthóireacht um Ghníomhú ar son na hAeráide, EEA, údaráis náisiúnta inniúla) ar an BDR.
- Tá an ceistneoir ar líne ar fáil ar ardán an BDR agus tugann sé deis duit seiceálacha ar cháilíocht a dhéanamh le linn an tuairiscithe agus nuair atá an tuairisc á cur isteach freisin. Cabhróidh sin leat aon bhotún a cheartú sula gcuireann tú tuairisc do chuideachta isteach.
- Tá an BDR trédhearcach agus inrianaithe, agus cinntíonn sé go gcoinnítear an fhaisnéis thuairiscithe faoi rún Tá rochtain ag na páirtithe leasmhara ar fad ar an méid céanna faisnéise. Sa BDR, is féidir leat na tuairiscí a chuir do chuideachta isteach cheana a fheiceáil freisin.

Nuair atá anBDR in úsáid, ní gá cóipeanna de do thuairisc a chur chuig an gCoimisiún Eorpach ná chuig údaráis inniúla do Bhallstát. Is féidir leo rochtain a fháil ar na sonraí a cuireadh chuig an EEA agus, dá bhrí sin, meastar gurb ionann tuairisc a chur chuig an EEA agus tuairisc a chur chuig an gCoimisiún Eorpach agus chuig do Bhallstát.

Mar sin féin, i gcás aon chumarsáide breise a dhéanfaí leis an EEA trí ríomhphost, b'fhearr an Coimisiún Eorpach agus an t-údarás inniúil i do Bhallstát a chur i gcóip ionas go mbeadh sé ní b'éasca cúnamh a fháil uathu dá mba ghá.

Ní foláir gach tuairisc a chur isteach go leictreonach, agus úsáid a bhaint as an gceistneoir ar líne atá ar fáil ar ardán an BDR. Ná cuir isteach aon chóip páipéir. Ní gá na foirmeacha a shíniú ná ní gá aon chruthúnas a bheith ag gabháil leo. Gheobhaidh tú dearbhú uathoibríoch nuair a chuirfear an tuairisc isteach. Sa chorrchás ina bhféadfadh mórdheacrachtaí a bheith ann, iarrfar ort go foirmiúil níos déanaí breis faisnéise a sholáthar.

Chun níos mó eolais a fháil faoi cén chaoi an BDR a úsáid le tuairisc a chur isteach, moltar go láidir treoirleabhar an BDR a léamh.

4.3 Cathain a chuirfidh mé tuairisc isteach?

Ní foláir duit do thuairisc a chur isteach roimh an 31 Márta gach bliain, mar atá ceangailte faoi Airteagal 27(1) den Rialachán. Mura gcuireann tú tuairisc isteach, nó má chuireann tú isteach tar éis

an spriocdháta í, cuirfear na húdaráis inniúla i do Bhallstát ar an eolas faoi sin agus d'fhéadfaidís fíneáil a ghearradh ort.

4.4 Conas SíOnna a thógtar ar ais ó chustaiméir nó a sheoltar ar ais chuig an soláthróir a thuairisciú?

Déan aon chainníocht a onnmhairíodh agus a ath-allmhairíodh, e.g. tar éis gearán a fháil ó chustaiméir, a thuairisciú mar ghnáthallmhairí, mar tá an méid sin faoi réir a cheadúnaithe freisin. Ná bain na cainníochta sin ó líon na n-onnmhairithe iomlána. Beidh an rud céanna i gceist i gcás aon chainníochta a ath-onnmhairítear tar éis a hallmhairithe. Maidir le haon chainníocht a cuireadh ar mhargadh na hEorpa agus a cuireadh ar ais chugat, déan í a thuairisciú mar 'ceannaithe' nó 'arna fháil ón AE'. Ná bain na cainníochtaí sin ó na figiúirí díolacháin. Beidh an rud céanna i gceist má thug tú rudaí ar ais do do sholáthróirí san AE.

4.5 Conas is ceart dúinn cainníochtaí a thuairisciú?

Níl aon tairseach ann do mhéideanna beaga. Ní folár duit gach cainníocht a thuairisciú. Mar sin féin, i gcás an tuairiscithe ba chóir duit na huimhreacha a shlánú suas go dtí an cileagram. Bíodh na figiúirí ar fad i gcileagraim mhéadracha agus beacht go ± 1 kg sa tuairisc. Mar shampla, ba cheart allmhairiú 50.1 kg (50 cileagram agus céad gram) a thuairisciú mar 51 cileagram. Ar mhaithe le bheith soiléir, ná húsáid camóga, pointí ná spásanna agus uimhreacha sna mílte á scríobh. Ní ghlacfaidh na foirmeacha leis an gcineál sin formáide.

4.6 Cén chaoi ar cheart dom na foirmeacha le haghaidh stoc a líonadh isteach?

Tá eolas faoi na stoic (cainníochtaí SíOnna atá i seilbh do chuideachta ag tús (1 Eanáir) agus ag deireadh (31 Nollaig) na bliana féilire ar a bhfuil tuairisc á tabhairt agat ag teastáil do na foirmeacha tuairiscithe (Tábla 8). Má bhí stoic ag do chuideachta ag tús agus/nó ag deireadh na bliana tagartha a bhain le gníomhaíochtaí nach mór a thuairisciú (i.e. allmhairiú, onnmhairiú, táirgeadh, úsáid bunábhair, úsáid oibreán próisis agus/nó díothú), ní foláir na cainníochtaí sin a thuairisciú fiú amháin murar allmhairigh, murar onnmhairigh, ná murar tháirg do chuideachta SíOnna nó murar úsáid sé mar bhunábhar nó mar oibreáin phróisis iad nó murar dhíothaigh sí iad.

Ba cheart do tháirgeoirí freisin na cainníochtaí de SíOnna atá carnaithe lena n-úsáid mar bhunábhar a thuairisciú ag deireadh na bliana, agus idirdhealú a dhéanamh idir úsáid bunábhair lena chur ar an margadh san AE agus úsáid bunábhair chun críche onnmhairithe. Is éard is cainníochtaí carnaithe ann SíOnna a táirgeadh lena n-úsáid mar bhunábhar sa bhliain tagartha ach nár úsáideadh, nár cuireadh ar an margadh agus/nó nár onnmhairíodh sa bhliain tagartha ach atá i seilbh do chuideachta ag deireadh na bliana (31 Nollaig).

4.7 Tá na sonraí atáthar a iarraidh íogair ó thaobh tráchtála de. Conas a phléifear leo?

Tá nósanna imeachta bunaithe ag an gCoimisiún agus ag an EEA chun a chinntiú go gcoinnítear na sonraí ar fad a bhaineann le cuideachtaí aonair faoi rún. Déantar na sonraí loma a thaifeadadh i mbunachar sonraí rúnda agus déanann an Coimisiún, údarás ainmnithe an Bhallstáit agus an EEA anailís orthu.

Ní nochtar aon fhaisnéis a bhaineann go sonrach le cuideachta ar leith don phobal; bailítear na sonraí ar fad faoi chuideachtaí i dtuairiscí a choimre sula gcuirtear ar fáil don phobal iad; luíonn an méid sin leis an riail rúndachta is infheidhme sa chás seo.

4.8 Níl an tuairisc ón mbliain seo caite cruinn. Ar chóir dom leagan ceartaithe a chur isteach?

Moltar do gach cuideachta athruithe a dhéanamh ar thuairiscí ó bhlianta tagartha roimhe sin, más gá athbhreithniú. Is féidir an ceistneoir ar líne a úsáid chun tuairiscí a cheartú nó a chur isteach an athuair. Má tá sé sin le déanamh, cinntigh go bhfuil bliain na n-idirbheart líonta isteach i gceart, sa chlúdach agus sa cheistneoir araon.

Iarscríbhinn I: Liosta na Substaintí a ídíonn Ózón atá clúdaithe faoi Rialachán (CE) Uimh. 1005/2009

Grúpa	Substaint			ODP
Grúpa I (CFCanna)	CFCl_3	CFC-11	Tríchlórafluaraimeatán	1
	(CF_2CF_2)	CFC-12	Déchlórafluaraimeatán	1
	$\text{C}_2\text{F}_3\text{Cl}_3$	CFC-113	Tríchlóraithrífluareatán	0,8
	$\text{C}_2\text{F}_4\text{Cl}_2$	CFC-114	Déchlóraitetreafluareatán	1
	$\text{C}_2\text{F}_5\text{Cl}$	CFC-115	Clóraipeinteafuareatán	0,6
Grúpa II (CFCanna eile)	CF_3Cl	CFC-13	Clóraithrífluaraimeatán	1
	C_2FCl_5	CFC-111	Peinteaclórafluareatán	1
	$\text{C}_2\text{F}_2\text{Cl}_4$	CFC-112	Teitreaclóraidhéfluareatán	1
	C_3FCl_7	CFC-211	Heipteaclórafluaraprópán	1
	$\text{C}_3\text{F}_2\text{Cl}_6$	CFC-212	Heicseaclóraidhéfluaraprópán	1
	$\text{C}_3\text{F}_3\text{Cl}_5$	CFC-213	Peinteaclóraithrífluaraprópán	1
	$\text{C}_3\text{F}_4\text{Cl}_4$	CFC-214	Teitreaclóraiteitreafluaraprópán	1
	$\text{C}_3\text{F}_5\text{Cl}_3$	CFC-215	Tríchlórapeinteafuaraprópán	1
	$\text{C}_3\text{F}_6\text{Cl}_2$	CFC-216	Déchlóraiheicseafuaraprópán	1
	$\text{C}_3\text{F}_7\text{Cl}$	CFC-217	Clóraiheipteafuaraprópán	1
Grúpa III (Halóin)	CF_2BrCl	halón-1211	Brómaclóraidhéfluaraimeatán	3
	CF_3Br	halón-1301	Brómaithrífluaraimeatán	10
	$\text{C}_2\text{F}_4\text{Br}_2$	halón-2402	Débhrómaiteitreafluareatán	6
Grúpa IV (CTC)	CCl_4	CTC	Teitreaclóraimeatán	1,1
Grúpa V (TCA)	$\text{C}_2\text{H}_3\text{Cl}_3$ (2)	1,1,1-TCA	1,1,1-Tríchlóireatán (meitilclóraform)	0,1
Grúpa VI (MB)	CF_3Br	bróimíd meitile	Brómaimeatán	0,6
Grúpa VII (HBFCanna)	CHFBr_2	HBFC-21 B2	Débhrómafluaraimeatán	1
	CF_2Br	HBFC-22 B1	Brómaidhéfluaraimeatán	0,74
	CH_2FBr	HBFC-31 B1	Brómafluaraimeatán	0,73
	C_2HFBr_4	HBFC-121 B4	Teitreabrómaidhéfluaraimeatán	0,8
	$\text{C}_2\text{HF}_2\text{Br}_3$	HBFC-122 B3	Tríbhrómaidhéfluareatán	1,8
	$\text{C}_2\text{HF}_3\text{Br}_2$	HBFC-123 B2	Débhrómaithrífluareatán	1,6
	$\text{C}_2\text{HF}_4\text{Br}$	HBFC-124 B1	Brómaiteitreafluareatán	1,2
	$\text{C}_2\text{H}_2\text{FBr}_3$	HBFC-131 B3	Tríbhrómafluareatán	1,1
	$\text{C}_2\text{H}_2\text{F}_2\text{Br}_2$	HBFC-123 B2	Débhrómaidhéfluareatán	1,5
	$\text{C}_2\text{H}_2\text{F}_3$	HBFC-133 B1	Brómaithrífluareatán	1,6
	$\text{C}_2\text{H}_3\text{FBr}_2$	HBFC-141 B2	Débhrómafluareatán	1,7
	$\text{C}_2\text{H}_3\text{F}_2\text{Br}$	HBFC-142 B1	Brómaidhéfluareatán	1,1
	$\text{C}_2\text{H}_4\text{FBr}$	HBFC-142 B1	Brómafluareatán	0,1
	C_3HFBr_6	HBFC-221 B6	Heicseabrómafluaraprópán	1,5
	$\text{C}_3\text{HF}_2\text{Br}_5$	HBFC-222 B5	Peinteabrómaidhéfluaraprópán	1,9
	$\text{C}_3\text{HF}_3\text{Br}_4$	HBFC-223 B4	Teitreabrómaithrífluaraprópán	1,8
	$\text{C}_3\text{HF}_4\text{Br}_3$	HBFC-224 B3	Tríbhrómateitreafluaraprópán	2,2
	$\text{C}_3\text{HF}_5\text{Br}_2$	HBFC-225 B2	Débhrómaiteitreafluaraprópán	2

Grúpa	Substaint			ODP
	C_3HF_6Br	HBFC-226 B1	Brómaheicseafuaraprópán	3,3
	$C_3H_2FBr_5$	HBFC-231 B5	Peinteabrómafluaraprópán	1,9
	$C_3H_2F_2Br_4$	HBFC-232 B4	Teitreabrómaidhéfluaraprópán	2,1
	$C_3H_2F_3Br_3$	HBFC-233 B3	Tríbhrómaithrífluaraprópán	5,6
	$C_3H_2F_4Br_2$	HBFC-234 B2	Débhrómaiteitreafluaraprópán	7,5
	$C_3H_2F_5Br$	HBFC-235 B1	Brómapeinteafuaraprópán	1,4
	$C_3H_3FBr_4$	HBFC-241 B4	Teitreabrómafluaraprópán	1,9
	$C_3H_3F_2Br_3$	HBFC-242 B3	Tríbhrómaidhéfluaraprópán	3,1
	$C_3H_3F_3Br_2$	HBFC-243 B2	Débhrómaithrífluaraprópán	2,5
	$C_3H_3F_4Br$	HBFC-244 B1	Brómateitreafluaraprópán	4,4
	$C_3H_4FBr_3$	HBFC-251 B1	Tríbhrómafluaraprópán	0,3
	$C_3H_4F_2Br_2$	HBFC-252 B2	Débhrómaidhéfluaraprópán	1
	$C_3H_4F_3Br$	HBFC-253 B1	Brómaithrífluaraprópán	0,8
	$C_3H_5FBr_2$	HBFC-261 B2	Débhrómafluaraprópán	0,4
	$C_3H_5F_2Br$	HBFC-262 B1	Brómaidhéfluaraprópán	0,8
	C_3H_6FBr	HBFC-271 B1	Brómafluaraprópán	0,7
Grúpa VIII (HCFCanna)	$CHFCl_2$	HCFC-21	Déchlórafluaimeatán	0,04
	CHF_2Cl	HCFC-22	Clóraidhéfluaimeatán	0,055
	CH_2FCl	HCFC-31	Clórafluaimeatán	0,02
	C_2HFCl_4	HCFC-121	Teitreaclórafluaimeatán	0,04
	$C_2HF_2Cl_3$	HCFC-122	Tríchlóraidhéfluaimeatán	0,08
	$C_2HF_3Cl_2$	HCFC-123	Déchlóraithrífluaimeatán	0,02
	C_2HF_4Cl	HCFC-124	Clóraitreafluaimeatán	0,022
	$C_2H_2FCl_3$	HCFC-131	Tríchlórafluaimeatán	0,05
	$C_2H_2F_2Cl_2$	HCFC-132	Déchlóraidhéfluaimeatán	0,05
	$C_2H_2F_3Cl$	HCFC-133	Clóraithrífluaimeatán	0,06
	$C_2H_3FCl_2$	HCFC-141	Déchlórafluaimeatán	0,07
	CH_3CFCl_2	HCFC-141b	1,1-Déchlóra-1-fluaimeatán	0,11
	$C_2H_3F_2Cl$	HCFC-142	Clóraidhéfluaimeatán	0,07
	CH_3CF_2Cl	HCFC-142b	1-Clórai-1,1-défluaimeatán	0,065
	C_2H_4FCl	HCFC-151	Clórafluaimeatán	0,005
	C_3HFCl_6	HCFC-221	Heicseaclórafluaraprópán	0,07
	$C_3HF_2Cl_5$	HCFC-222	Peinteaclóraidhéfluaraprópán	0,09
	$C_3HF_3Cl_4$	HCFC-223	Teitreaclóraithrífluaraprópán	0,08
	$C_3HF_4Cl_3$	HCFC-224	Tríchlóraitreafluaraprópán	0,09
	$C_3HF_5Cl_2$	HCFC-225	Déchlóraipeinteafuaraprópán	0,07
	$(CF_3CF_2CF_2)$	HCFC-225ca	3,3-Déchlórai-1,1,1,2,2-peinteafuaraprópán	0,025
	CF_2ClCF_2CHClF	HCFC-225cb	1,3-Déchlórai-1,1,1,2,2,3-peinteafuaraprópán	0,033
	C_3HF_6Cl	HCFC-226	Clóraiheicseafuaraprópán	0,1
	$C_3H_2FCl_5$	HCFC-231	Peinteaclórafluaraprópán	0,09
	$C_3H_2F_2Cl_4$	HCFC-232	Teitreaclóraidhéfluaraprópán	0,1
	$C_3H_2F_3Cl_3$	HCFC-233	Tríchlóraithrífluaraprópán	0,23
	$C_3H_2F_4Cl_2$	HCFC-234	Déchlóraitreafluaraprópán	0,28

Grúpa	Substaint			ODP
	$C_3H_2F_5Cl$	HCFC-235	Clóraipeinteafluaraoprópán	0,52
	$C_3H_3FCl_4$	HCFC-241	Teitreaclórafluaraoprópán	0,09
	$C_3H_3F_2Cl_3$	HCFC-242	Tríchlóraidhéfluaraoprópán	0,13
	$C_3H_3F_3Cl_2$	HCFC-243	Déchlóraithrífluaraoprópán	0,12
	$C_3H_3F_4Cl$	HCFC-244	Clóraiteitreafluaraoprópán	0,14
	$C_3H_4FCl_3$	HCFC-251	Tríchlórafluaraoprópán	0,01
	$C_3H_4F_2Cl_2$	HCFC-252	Déchlóraidhéfluaraoprópán	0,04
	$C_3H_4F_3Cl$	HCFC-253	Clóraithrífluaraoprópán	0,03
	$C_3H_5FCl_2$	HCFC-261	Déchlórafluaraoprópán	0,02
	$C_3H_5F_2Cl$	HCFC-262	Clóraidhéfluaraoprópán	0,02
	C_3H_6FCl	HCFC-271	Clórafluaraoprópán	0,03
Grúpa IX (BCM)	CH_2FCl	BCM	Brómaclóraimeatán	0,12
Substaintí Nua	$CBr_2 F_2$	Halón-1202	Débhrómaidhéfluaraimeatán	1,25
	C_3H_7Br	n-PB	1-Brómaprópán (bróimíd n-próipile)	0,02 — 0,10
	C_2H_5Br	EB	Bróimeatán (bróimíd eitile)	0,1 — 0,2
	CF_3I	TFIM	Trífluaraiaidaimeatán (iaidíd trífluarametile)	0,01 — 0,02
	CH_3Cl	MC	Clóraimeatán	0,02